



ILIDŽA

INFORMATIVNI BILTEN OPĆINE ILIDŽA

Ilidža • Februar 2019

• Broj 179





Svečano obilježen Dan nezavisnosti Bosne i Hercegovine



Povodom 1. marta – Dana nezavisnosti Bosne i Hercegovine, 26. februara 2019. godine u Multifunkcionalnoj sali održana je svečana sjednica Općinskog vijeća Ilidža. Obilježavanje je počelo polaganjem cvijeća ispred spomen-obilježja gdje je odana počast šehidima, poginulim borcima i civilnim žrtvama rata. Prvog marta 1992.godine tačno prije 27 godinu građani Bosne i Hercegovine su se opredijelili za nezavisnu Bosnu i Hercegovinu. Na referendumsko pitanje da li ste za to da Bosna i Hercegovina bude nezavisna država svih njenih građana i ravnopravnih naroda, 64 posto građana je odgovorilo potvrdno. Bio je to demokratski i legalni čin, kojim je nakon vijekova tuđih uprava Bosna i Hercegovina dostojanstveno obnovila svoju nezavisnost i suverenost. Sjednicu je otvorio predsjedavajući Općinskog vijeća Ilidža Muhamed Omerović i tom prilikom naglasio da je BiH cjelovita, nezavisna i nedjeljiva i da će to i ostati, te da će se sile koje nasrću

na nju umoriti, a Bosna i Hercegovina će i dalje slaviti svoje rođendane, svoje dane nezavisnosti.

O istoriji i ideji Bosne, značaju ovog datuma govorio je prof. dr. Admir Mulaosmanović koji je u svom obraćanju između ostalo rekao: “Ideja Bosne je prožeta višestoljetnom kulturom življenja u našoj zemlji. Drugost nije zlo i nesreća, drugost je bogastvo. Različitost ne predstavlja neminovan sukob. Ne postoji nijedan razlog da na ovom parčetu zemlje različiti svjetonadzori ne mogu kohabitirati i činiti društvo boljim i prosperitetnijim. To je ideja Bosne i zbog tog razloga je trebalo ostvariti nezavisnost i zbog toga vrijedi i dalje se boriti za tu ideju i njeno potpuno oživotvorenje”.

Načelnik Općine Ilidža prof. dr. Senaid Memić zahvalio se prisutnim na njihovom dolasku kojim su iskazali svoju lojalnost, patriotizam i ljubav prema Bosni i Hercegovini. Prigodan program izveli su učenici Pete osnovne škole i Osnovne muzičke škole Ilidža.


REDOVNA SJEDNICA OPĆINSKOG VIJEĆA


Odluka o priznanjima za najuspješnije

Općinsko vijeće Ilidža 26. februara 2019. godine u Multifunkcionalnoj sali donijelo je odluku da se Povelja za životno djelo dodijeli Sabitu Hadžiću-Sabetu (posthumno), Povelja počasni građanin generalu Ismetu Hadžiću-Muteveliji, pojedinačna Zlatna plaketa Salihu Lemešu te kolektivna "Izvor Bosne."

Srebrne plakete idu u ruke Salemu Bilaloviću i Azri Muzur, dok kolektivne "Ženskom odbojkaškom klubu Igman" i OBS d.o.o Ilidža. Zahvalnice će dobiti Pero Miletić, Sedim Torlak, Adisa Divoš, Ibrahim efendija Klisura, Elvedin Dino Begić. Priznanja će biti dodijeljena 12. marta na svečanoj sjednici Općinskog vijeća Ilidža, za Dan Općine Ilidža.

Izveštaj o radu i Program rada Pravobranilaštva

U svojoj je i Izveštaj o radu i Program rada Pravobranilaštva. Potraživanja od Općine Ilidža po podnesenim Tužbama, kako stoji u izvještaju iznose ukupno: 4.668.833,53 KM, potraživanje Općine Ilidža po tužbama i rješenjima o izvršenju 2.661.199,25 KM, plaćeno na teret Općine po odlukama Općinskog suda Sarajevo 77.689,76 KM, naplaćena potraživanja u budžetskoj 2018. godini iznose 1.246.297,93 KM. U ovom izvještajnom periodu bilo je ukupno u radu 592 parnična predmeta, od kojih su 498 predmeta kao nezavršena prenesena iz prethodnih godina. U 2018. godini su evidentirana 94 nova predmeta. Nesrazmjer između prenesenih predmeta iz ranijih godina i novozaprimljenih predmeta jeste posljedica dugotrajnog vođenja postupaka pred sudovima. Pod predmetima koji su preneseni iz ranijeg perioda između ostalih su i predmeti koji su po uvažanim žalbama. Pregledom naloga za prinudnu naplatu dostavljenih Pravobranilaštvu od strane nadležne službe i drugih evidencija, uočeno je da je Ministarstvo za boračka pitanja Kantona Sarajevo najveći dužnik općine u iznosu od 180.423,25 KM, a po osnovu refundacije naknade za pogodnosti gradskog građevinskog zemljišta (renta) za boračku populaciju. U cilju rješavanja tog problema Pravobranilaštvo je imalo niz kontakata i usmenih i pismenih sa nadležnim Ministarstvom na koji način se riješilo dosta naplate. Međutim i pored toga bili su prinuđeni podići tužbe i osigurati naplatu putem suda. Pravobranilaštvo predlaže da Općinsko vijeće donese zaključak kojim se traži od Vlade Kantona Sarajevo da Ministarstvo za boračka pitanja izvrši plaćanje svojih dugovanja prema Općini Ilidža, a po osnovu naknade za refundaciju naknade za pogodnosti gradskog građevinskog zemljišta (renta) za boračku populaciju, u iznosu od 180.423,25 KM, a sve u cilju kako bi se izbjegli dodatni sudski troškovi i kamate i na taj način izbjegao dugotrajan sudski postupak. Kako je, između ostalog navedeno u izvještaju, Pravobranilaštvo je uočilo i pojavu kada su u pitanju potraživanja po osnovu zakupa javne površine da pojedini zakupci imaju velika dugovanja prema Općini, a da je naplata dosta spora, a zakupci i dalje koriste javne površine. Kao primjer naveli su zakupca koji ima ukupno osam sudskih odluka i presuda sa ukupnim dugovanjem od 44.000,00 KM, a još uvijek koristi.



Izveštaj o radu Jedinственog općinskog organa uprave, stručnih i posebnih službi za 2018. godinu

Izveštaj o radu Jedinственog općinskog organa uprave, stručnih i posebnih službi za 2018. godinu, bila je jedna od tačaka dnevnog reda. U okviru nadležnosti utvrđenih zakonom, Statutom i drugim propisima, a u skladu sa Programom rada Općinskog vijeća za 2018.godinu, ukupne aktivnosti općinskih organa su bile usmjerene na realizaciju utvrđenih obaveza, zaključaka Općinskog vijeća i obavljanje drugih poslova koji su zakonom ili na drugi način stavljeni u njihovu nadležnost. Aktivnosti službi odvijale su se u skladu sa uspostavljenim novim ISO standardom 9001:2015, i 14001:2015 u okviru čega su provedeni interni i externi auditi za preispitivanje provođenja ISO standarda. Također su poduzimane mjere za implementaciju Akcionog plana za borbu protiv korupcije u Jedinственom općinskom organu uprave Općine Ilidža (2018-2020.godina), koji je donesen u januaru 2018. godine.



Ammar Uzunović novi član Komisije za izbor, imenovanje i pitanje ravnopravnosti spolova

Novi član Komisije za izbor, imenovanje i pitanje ravnopravnosti spolova umjesto Smiljane Viteškić, na prijedlog OO SDP, je Ammar Uzunović. Izbor zamjenika predsjed

avajućeg, s obzirom da je Dževad Poturak koji je obnašao funkciju dopredsjedavajućeg dobio mandat u Skupštini Kantona Sarajevo, prolongiran je za sljedeću sjednicu.

Prijedlozi akata o regulisanju imovinsko-pravnih odnosa

Vijeće je usvojilo prijedlog akata o regulisanju imovinsko-pravnih odnosa i to prijedloge rješenja o rješavanju imovinsko-pravnih odnosa u svrhu legalizacije stambeno-poslovnih objekata po zahtjevima Kiseljaković Kenana i Kemala i Ćatić Muhameda.

Usvojeni su i prijedlozi rješenja o utvrđivanju prava vlasništva u korist Nezirović Đanija i Hadžić Azre. Vijeće je usvojilo i prijedlog rješenja o dopuni i dispozitivu rješenja ime Sović Franje, te izmjenu tačke rješenja na ime Muhović Sulejmana.

Usvojen Izvještaj o radu Komisije za sigurnost

Vijeće je usvojilo Izvještaj o radu Komisije za sigurnost za period decembar 2017.-decembar 2018. godine uz zaključak da Komisija za sigurnost do kraja mandatnog perioda Vijeća 2016.-2020. godine treba biti stalno radno tijelo. U izvještajnom periodu Komisija je održala četiri sjednice i jedan zajednički sastanak u proširenom sazivu na kojima je redovno razmatrala informacije Pete policijske uprave o stanju sigurnosti iz oblasti kriminaliteta, javnog reda i mira, saobraćaja i drugo na području ove policijske uprave. Kako je istaknuto u informaciji, Peta policijska uprava Ilidža je redovno dostavljala informacije komisiji, te joj davala podršku u u radu kako bi se što više moglo uraditi na terenu.



Općina Ilidža prva u BiH uvodi ISO standarda 37001:2016 - Sistem upravljanja antikorupcijom

Općina Ilidža prva u Bosni i Hercegovini uvodi ISO standarda 37001:2016 - Sistem upravljanja antikorupcijom.

Ugovor između Općine i Sevoi grupe koja će raditi implementaciju ovog Sistema, 14. februara potpisali su načelnik Općine Ilidža Senaid Memić i direktor Sevoi grupe u Bosni i Hercegovini Senad Hoermann u Općini Ilidža. Hoermann je rekao kako je Općina Ilidža i do sada po pitanju borbe protiv korupcije bila prva u Kantonu Sarajevo, što potvrđuje i podatak da su prvi uradili Akcijski plan borbe protiv korupcije.

Načelnik Općine Ilidža prof. dr. Senaid Memić izjavio je da je uvođenje ovog sistema mnogo značajno jer je pored nezaposlenosti, korupcija gorući problem u BiH.

“Općina Ilidža je pristupila i izradi antikorupcijskih mjera na lokalnom nivou, a uradili smo i akcioni plan koji predstavlja jedan od ključnih dokumenata za suzbijanje korupcije, kreiran s ciljem da se poveća transparentnost, efikasnost, odgovornost rada i otvorenosti lokalne administracije prema građanima. Općina Ilidža želi unaprijediti stepen odgovornosti i profesionalizma u radu, poboljšati proces planiranja, donošenja i sprovođenja akata i programa na transparentan način” dodao je Memić. Važnost uvođenju ovog sistema daje i podatak da je u regionu implementirano do sada pet ovakvih sistema, a Sevoi grupa je jedina kompetentna za njegovu implementaciju. ISO 37001:2016 standard je namjenjen da pomogne organizaciji da ustanovi, implementira, održi i poboljša program usklađivanja protiv podmićivanja. Ovaj standard je garancija menadžmentu, investitorima, zaposlenicima, klijentima i drugim interesnim stranama da i organizacija sprovodi razumne korake da spriječi korupciju. Sistem je dokaz u slučaju istrage da je organizacija poduzela razumne korake da spriječi korupciju ili da je smanji na najmanje moguću mjeru.

Općina Ilidža inače od 2012. posjeduje i certifikat ISO 9001 i 14001.

Prvi u BiH

Nakon što je 14. februara 2019. potpisan ugovor o implementaciji ISO 37001:2016 između Općina Ilidža i Sevoi GRUPA BH, 27. februara u velikoj sali Općine Ilidža održana je prva od četiri planirane radionice/seminara u organizaciji Sevoi GRUPA BH o temi „Sistem upravljanja antikorupcijom ISO 37001:2016 - metodologija implementacije“.

S obzirom, da Općina Ilidža već ima uvedene standarde upravljanja kvalitetom i upravljanja okolinom, radionica predstavlja logičan korak koji je u skladu sa težnjama Općine Ilidža da bude jedinstvena općinska uprava koja svojim primjerom prednjači u Bosni i Hercegovini.

ISO 37001 je objavljen 2016. godine i predstavlja međunarodni standard za sistem upravljanja protiv korupcije. Standard je osmišljen tako da pomogne organizacijama u implementaciji i održavanju specifičnih mjera koje im pomažu u sprečavanju, otkrivanju i suzbijanju potencijalnih koruptivnih aktivnosti.

Prisutnima je predavanje na ovu aktuelnu temu održala Nalvedina Rukavina EOQ menadžer kvalitete i certificirani menadžer za borbu protiv korupcije.

ISO 37001:2016 antikorupcijski standard je trenutno najtraženiji standard u svijetu.

Uskoro gotova fiskulturna sala u Sedmoj osnovnoj školi

Radovi na izgradnji fiskulturne sale i rekonstrukcije prizemlja objekta Sedme osnovne škole Blažuj-Ilidža, privode se kraju. Završena je izgradnja sale sa pratećim sadržajima (mokri čvorovi, svlačionica, prostor za nastavnika). U toku su radovi na rekonstrukciji prizemlja. Radove u vrijednosti 651.375,49 KM finansira Ministarstvo za obrazovanje, nauku i mlade Kantona Sarajevo i Općina Ilidža. Radovi su povjereni firmi “PROGRAD” d.o.o. Žepče. Nadzor na izvođenju radova Zavod za izgradnju Kantona Sarajevo.





Održana prezentacija Nacrta Regulacionog plana „Riverina Sastavci“

Općinsko vijeće Ilidža je na 22. redovnoj sjednici utvrdilo Nacrt Odluke o usvajanju Regulacionog plana „Riverina Sastavci“ i uputilo ga na javnu raspravu u trajanju od 30 dana. Za organizaciju javne rasprave i uvid u RP zadužene su Služba za prostorno uređenje i Zavod za planiranje razvoja Kantona Sarajevo. Tim povodom 26. februara 2019. godine u prostorijama Općine Ilidža održana je prezentacija Nacrta Regulacionog plana „Riverina Sastavci“ na kojoj su izneseni osnovni parametri i koncept RP. Pored Zavoda za planiranje razvoja Kantona Sarajevo kao nosioca izrade RP prezentaciji su prisustvovali predstavnici Agencije za vodno područje slivovi rijeke Save, JKP Toplane, te ostali subjekti planiranja i građani. Javne rasprave na RP „Riverina Sastavci“ održat će se 18., 19. i 20. marta 2019 godine.

Model poboljšanja energetske efikasnosti u zgradarstvu

U okviru projekta Model poboljšanja energetske efikasnosti u zgradarstvu na području Kantona Sarajevo (Model EE) u Multifunkcionalnoj sali Općine Ilidža 12. februara 2019. godine održana je edukacija za korisnike.

Edukaciji su prisustvovali predstavnici i članovi savjeta mjesnih zajednica, te predstavnici općine.

Edukaciju su održali Faruk Cerić i Nijaz Delalić sa Mašinskog fakulteta u Sarajevu, koji su ujedno i članovi Radne grupe za podršku implementaciji Modela EE, te uposlenici Ureda za energetske efikasnosti Sarajevske regionalne razvojne agencije SERDA koja implementira projekat.

Na edukaciji je prezentiran Model EE, prednosti primjene mjera energetske efikasnosti na stambenim objektima, te koraci u procesu prijavljivanja korisnika.

Korisnici-aplikanti projekta Model EE su individualni stambeni objekti i objekti kolektivnog stanovanja, što podrazumijeva i gradsku urbanu jezgru i padinske dijelove općina Kantona Sarajevo. Modelom su predviđene aktivnosti promocije i edukacije etažnih vlasnika zgrada kolektivnog stanovanja i vlasnika individualnih objekata, prednosti primjene mjera energetske efikasnosti na stambenim objektima, prije svega ušteda energenata i poboljšanje stanja zraka, ali i nekih drugih koji su u skladu sa opredjeljenjem EU i čitavog svijeta. U narednom periodu bit će objavljen javni poziv za izbor korisnika na čijim objektima bi se izvodili radovi u svrhu implementacije mjera energetske efikasnosti.

Ečo Company planira izgradnju novog izložbeno-prodajnog salona na Ilidži

Načelnik Općine Ilidža prof. dr. Senaid Memić i generalni direktor firme Ečo Company Suad Ečo 21. februara razgovarali su o projektima ove kompanije i ambicioznim planovima za naredni period, bh. privredi i smanjenju nezaposlenosti, kao i o potencijalima Općine Ilidža

Direktor Ečo je prezentirao projekte koje kompanija trenutno realizuje na domaćem i inostranim tržištima, istakavši da su kvalitet proizvoda i originalnost dizajnerskih rješenja samo neke od prednosti koje su pozicionirale firmu Ečo Company kao lidera u bh. industriji dizajniranog namještaja i opremanja enterijera. Ečo je predstavio planove kompanije za 2019. godinu, istakavši da kompanija u narednom periodu planira širenje proizvodnih kapaciteta te zapošljavanje značajnog broja radnika.

Na sastanku je razgovarano i o izgradnji novog izložbeno-prodajnog salona firme Ečo Company koji bi bio znatno veći od postojećeg u naselju Stup.

„Želio bih da se zahvalim načelniku Memiću i općinskoj administraciji na podršci koju su pružali našoj kompaniji i privrednicima na području općine svih ovih godina. Uvjeren sam da će projekat izgradnje novog izložbeno-prodajnog salona uskoro biti realiziran“, rekao je Ečo.

Načelnik Memić je naglasio da izuzetno cijeni napore koje firme u BiH ulažu kako bi se riješio gorući problem bh. privrede, velika nezaposlenost. Također, pohvalio je internacionalno širenje poslovanja kompanija sa područja općine Ilidža koje tako šalju pozitivnu poruku kako sa Ilidže, tako i iz cijele BiH.

„Ilidža je postala mjesto u kojem sve veći broj privrednika vidi priliku za investiranje i pokretanje biznisa. Činimo sve da poboljšamo usluge lokalne zajednice koja treba biti servis privrednicima i investitorima, da maksimalno skratimo administrativne procedure i rokove izdavanja potrebnih saglasnosti, kako bismo podržali dalji ekonomski razvoj naše općine“, naveo je Memić. Na sastanku je zaključeno da će Općina Ilidža u narednom periodu intenzivirati saradnju sa firmama koje žele ulagati i otvarati nova radna mjesta na području ove općine.





Počele pripreme za Festival narodne muzike "Ilidža 2019"

I ove godine bit će održan Festival narodne muzike "Ilidža 2019" i to će najvjerojatnije biti 1.2.3. augusta 2019., rečeno je 25. februara 2019. u Općini Ilidža.

Općina Ilidža, kao tradicionalni organizator i nosilac većine obaveza organizacije dosadašnjih ilidžanskih festivala, pripremu, organizaciju i realizaciju kulturno-muzičke manifestacije Festival "Ilidža 2019" povjerila je opet Hayat TV-u.

Ilidžanski festival je kulturno blago svih Bosanaca i Hercegovaca, ali i onih kojima je narodna pjesma u srcu. Velika imena počinjala su karijeru upravo na sceni ilidžanskog festivala. Tu su nastali najveći hitovi, a svoje blistave karijere započeli su najveći interpretatori sevdalinki, te smo uvjereni da će i ovogodišnji festival ponuditi nove muzičke stvaraoce i interpreatore.



Kreativne radionice u organizaciji Udruženja porodica šehida i poginulih boraca

U druženje porodica šehida i poginulih boraca Općine Ilidža organizovalo je kreativne radionice za sve zainteresovane članove Udruženja. Radionice su se organizovale dva puta sedmično u periodu od 07. januara do 07. februara 2019. godine.

Radilo se na alu foliji i razne tehnike dekupaža sa grupom od 20 prijavljenih članica Udruženja. Učesnice radionice stvarale su izuzetno maštovite i lijepe radove, imale su priliku naučiti i određene vještine dekupaž tehnike, jedne od najstarijih tehnika ukrašavanja predmeta.



Primjer dobre prakse

Delegacija Regionalnog odbora Sindikata uprave i pravosuđa Jugoistočne Evrope 08. februara 2019. godine posjetila je Općinu Ilidža, gdje je predstavnike sindikata ugostio načelnik prof. dr. Senaid

Memić. Načelnik Memić je predstavio način rada i organizovanja Općine Ilidža, a koja važi za jednu od najuspješnijih lokalnih zajednica u Bosni i Hercegovini.



Sastanak sa direktorima osnovnih škola

Pomoćnik načelnika za obrazovanje, kulturu, sport i informisanje Denis Muhović u Općini Ilidža održao je 7. februara sastanak sa direktorima osnovnih i srednjih škola iz ove općine.

Bila je to prilika da direktori upoznaju pomoćnika načelnika sa aktivnostima koje se odvijaju u ustanovama kojima upravljaju, uspjehu i vladanju učenika, te problemima sa kojima se suočavaju.

Dogovarana je realizacija općinskih takmičenja, posjeta osnovaca Tunelu spasa, Srebrenici, te učestovanje učenika u organizaciji nekih općinskih projekata iz domena kulture i sporta.



Uposlenici Općine Ilidža darovali krv

Zavod za transfuzijsku medicinu FBiH je u saradnji sa Općinom Ilidža i Crvenim križom organizirao akciju dobrovoljnog davanja krvi koja je realizirana 14. februara 2019. godine u općinskim prostorijama. Ovoj humanoj akciji se odazvalo 15 zaposlenika Općine koji su darivali najdragocjeniju tečnost.

“Želim se zahvaliti svim darovateljima. Veliko hvala u ime svih pacijenata kojima njihova krv može spasiti život. Nadamo se da će naša dobra saradnja biti nastavljena i ubuduće. Apelirala bih i pozvala sve one koji imaju namjeru, a nisu do sada darivali krv, da to učine. Pored humanih motiva da pomognemo drugima, još jedan od važnih razloga je da se dobrovoljnim davanjem krvi kontroliše vlastito zdravlje, jer se prilikom svakog darivanja obavi i cjelokupan laboratorijski pregled krvi” naglasila je doktorica Alma Džonlagić.



Prva STEM učionica u BH

U Osnovnoj školi “Amer Čenanović” otvorena je STEM laboratorija, kao prvi javni dio USAID-ovog ENABLE programa.

STEM je skraćenica za nauku, tehnologiju, inženjering i matematiku, a cilj projekta je da se ovi predmeti podučavaju u svim svojim različitim disciplinama na integriran i sveobuhvatan način. U okviru nastojanja da učenici u BiH ovladaju ključnim kompetencijama neophodnim za učešće u ekonomiji zasnovanoj na znanju i postanu nosioci ekonomskog razvoja u budućnosti, organizacija Save the Children je počela s implementacijom projekta “Unapređenje osnovnog učenja i obrazovanja u Bosni i Hercegovini (ENABLE BiH)” u septembru 2016., uz podršku Agencije za međunarodni razvoj SAD (USAID).

Nakon dvije godine rada na Operativnom nastavnom planu za STEM i edukaciju nastavnika, druga faza projekta proširuje se na 12 pilot škola u Bosni i Hercegovini koje uvode STEM podučavanje u učionice, počevši od otvaranja dvije STEM laboratorije u dvije STEM model škole u Sarajevu i Mostaru.

Direktor Osme osnovne škole “Amer Čenanović” Vahid Čustović rekao je da će STEM pristup obrazovanju nadopuniti njihove prethodne aktivnosti, te će učenike spremati za vrijeme u kojem će oni raditi.

U naredne dvije godine STEM obrazovanje će biti primjenjeno u 12 model-škola u Bosni i Hercegovini, u kojima će se opremiti STEM laboratorije.





Dijalog za budućnost

U saradnji sa Općinom Ilidža, Centar za promociju civilnog društva (CPCD) nastavlja sa realizacijom projekta "Dijalog za budućnost", koji zajednički implementiraju UNDP, UNICEF i UNESCO u partnerstvu sa Predsjedništvom Bosne i Hercegovine. Cilj projekta je promoviranje društvene kohezije i raznolikosti u Bosni i Hercegovini. Dijalog za budućnost se zasniva na konceptu socijalne kohezije koja se definiše kao sposobnost zajednice da obezbijedi blagostanje svim svojim članovima kroz ublažavanje nejednakosti i sprečavanje polarizacije. U saradnji sa Centrom za promociju civilnog društva (CPCD), u Općini Ilidža 14. marta održat će se i prva lokalna dijaloška platforma u okviru implementacije projekta "Dijalog za budućnost" na temu "Izgradnja kohezivne lokalne zajednice koja brine o svojim članovima i članicama", sa fokusom na učešće mladih u javnom životu te na promociji i uspostavljanju održivih mehanizama koji podstiču saradnju između različitih dijelova zajednice, razvijajući osjećaj pripadnosti i solidarnosti, međusobno razumijevanje i uvažavanje.



Obavijestjenje za poljoprivredne proizvođače

Na osnovu upozorenja Tima za registar poljoprivrednih gazdinstava i registra klijenata Federalnog ministarstva poljoprivrede, vodoprivrede i šumarstva, obavještavaju se poljoprivredni proizvođači da vrijeme promjena, odnosno ažuriranja podataka na poljoprivrednom gazdinstvu, koje se bavi animalnom i/ili biljnom proizvodnjom, je od 01.01. do 31.03., kao što je propisano Pravilnikom o upisu u registar poljoprivrednih gazdinstava i registar klijenata, a sva poljoprivredna gazdinstva koja naknadno urade ove promjene neće moći aplicirati za novčane podrške u 2019.godine.

Svi klijenti koji se prvi put upisuju u registar poljoprivrednih gazdinstava i klijenata, a apliciraju za novčane podrške u 2019.godine, također se trebaju upisati u navedenom roku od 01.01. do 31.03. ove godine. Klijenti koji žele uraditi promjenu organizacionog oblika, trebaju to učiniti u tom vremenskom periodu, jer sve naknadno urađene promjene organizacijskog oblika poljoprivrednog gazdinstva neće se uzimati u obzir za novčane podrške u ovoj godini.

Upisi i prijave promjena na gazdinstvu, podnose se u prostorijama Općine Ilidža, Služba za privredu i turizam, soba 324 - III sprat. Kontakt telefon : 033 775 753.

Proslavljen Dan Osnovne muzičke škole Ilidža

Osnovna muzička škola Ilidža 26. februara svečanim koncertom proslavila je 43. rođendan, a ujedno i Dan nezavisnosti BiH. Direktorica škole Dijana Preljević je zahvalila brojnim donatorima Općini Ilidža, Ministarstvu za obrazovanje Kantona Sarajevo, Ambasadi Mađarske u BiH i brojnim drugim, za sredstva kojima su kupili muzičke instrumente, kompjutere, obnovili video nadzor, te uradili i alarmni sistem, a ujedno čestitala svim prisutnim i Dan škole i Dan nezavisnosti Bosne i Hercegovine.

Potom je načelniku Općine Ilidža prof.dr. Senaidu Memiću uručila zahvalnicu za nesebičnu pomoć u realizaciji brojnih projekata ove škole

Muzički program su pripremili najbolji učenici ove škole, kamerni sastavi, hor i mješoviti orkestar. Svečanost je završena muzičkom izvedbom najbolje učenice sa odsjeka za klavir, Ilhane Rahić, u pratnji mješovitog orkestra.



Javni poziv

Otvoren je četvrti javni poziv za dodjelu bespovratnih sredstava do 50.000 KM u sklopu aktivnosti USAID Projekta "Diaspora Invest". Riječ je o grant programu koji podržava mala i srednja preduzeća. Uslov je da kompanije nisu starije od tri godine, te da su dijelom ili u potpunosti u vlasništvu investitora iz bosanskohercegovačke dijas-pore, ili da imaju dokazivu trajnu poslovnu vezu ostvarenu preko članova bh. dijas-pore. Poziv je otvoren od 26. februara do 1. aprila, a sama aplikacija i detalji poziva mogu se pronaći na www.grant.diasporainvest.ba.



Posjeta osnovaca Međunarodnom aerodromu

Učenici Sedme osnovne škole 8. februara 2019. posjetili su Međunarodni aerodrom Sarajevo. Osoblje koje je bilo zaduženo za realizaciju programa posjete, detaljno su predstavili i pokazali proceduru dolaska na aerodrom, prijeha i otpreme putnika, počevši od prijavljivanja na check-in (registracije putnika) i predaje prtljage, zatim odlaska na pasošku i carinsku kontrolu gdje su se učenici upoznali sa procedurom prolaska kroz moderno sofisticirane uređaje za kontrolu putnika kako bi nesmetano došli do gate-a.

Učenici su obišli ramp-handling gdje su uživali posmatrajući direktno slijetanje aviona na pistu, a imali su priliku da se upoznaju i sa različitom vrstom specijalizovanih vozila



koja služe za sve potrebne operacije opsluživanja zrakoplova. U povratku, učenike je posebno oduševio pas koji je također "uposlenik" zadužen za pretres i pronalaženje eksplozivnih naprava.

Srednjoškolci obilježili Međunarodni dan maternjeg jezika

U Srednjoj tehničkoj školi grafičkih tehnologija, dizajna i multimedije 21. februara 2019. godine obilježen je Međunarodni dan maternjeg jezika. Institut za jezike je tim povodom organizovao predavanje na temu "Razvijanje govorničke vještine".

Predavanje je održala prof. Aida Kršo sa Instituta za jezik. Iz ove škole, ovom prilikom zahvaljuju se Institutu za jezik što su njihovoj školi održali edukativno predavanje, a kako rekoše, ova posjeta je ujedno rezultirala i saradnjom u budućnosti između njihove škole i Instituta.



"Lopov uvijek bude otkriven"

U okviru planiranih sadržaja vezanih za prevenciju maloljetničke delinkvencije pod nazivom „Razmisli pa djeluj“, u Drugoj osnovnoj školi implementiran je projekat "Lopov uvijek bude otkriven." Ovaj projekat realizira se u okviru programa "Rad policije u zajednici" u saradnji sa Visokim sudskim i tužilačkim vijećem BiH.





Završen 11. Međunarodni kickboxing kup Wako Grand Prix BiH

U Kulturno-sportskom centru "Sabit Hadžić" na Ilidži 23. februara završen je 11. Međunarodni kickboxing kup Wako Grand Prix BiH za pionire, kadete, juniore i seniore.

Kup je organizovala Kickboxing akademija "Ilidža" na čelu sa trenerom Nerminom Bašovićem, osvajačem zlatne medalje na Svjetskom prvenstvu u Francuskoj 2003. godine i najboljim bh. sportistom 2003. godine. Ulaz na turnir je bio slobodan zahvaljujući pokroviteljima Općini Ilidža, Turističkoj zajednici KS i Ministarstvu kulture i sporta KS. Ljubitelji borilačkih sportova su na Ilidži mogli uživati u

borbama najboljih takmičara iz BiH, Srbije, Crne Gore, Hrvatske, Slovenije, Makedonije, Moldavije, Luksemburga i Austrije.

"Na 11. Međunarodnom Kickboxing kupu Wako Grand Prix BiH za pionire, kadete, juniore i seniore učestvovalo je oko 700 takmičara iz 95 klubova i devet zemalja. Tako je naš turnir postao najmasovnije takmičenje ovog tipa koje je održano u BiH. Najbolja na ringu bila je reprezentacija Srbije, a najbolji na tatamiju članovi kluba birilačkih sportova Zino iz Bihaća", izjavio je Bašović.



Ilidža na ljeto dobija moderan stadion



Ilidža je postala redovna baza fudbalskih, košarkaških i rukometnih reprezentacija BiH, a od ljeta će dobiti i moderan stadion sa vještačkom travom iz certifikata FIFA 1.

"Postavljanje trave kreće u martu dok malo otopli. Obzirom da je vještačka lakša za postavljanje i održavanje trebalo bi do ljeta sve biti gotovo", rečeno nam je u Upravi FK Igman, koja uveliko radi na ozdravljenju fudbala na Ilidži.

Pored travnjaka stadion će dobiti i uređenu tribinu kapaciteta 3.000 sjedećih mjesta, što će ispunjavati uslove i za neke reprezentativne akcije U17 i U19 reprezentacija BiH.

Igman je dao legende poput pokojnog Josipa Katalinskog, zatim aktuelnog selektora Švicarske Vladimira Petkovića, dres Igmana je nosio prvotimac Željezničara Semir Dacić.

PROGRAM MANIFESTACIJA U POVODU DANA OPĆINE ILIDŽA

23. 02. 2019. GODINE /SUBOTA

INTERNACIONALNI KICK BOXING KUP
„WAKO GRAND PRIX BIH“
JU KSIRC ILIDŽA, CJELODNEVNI PROGRAM
OD 10:00 sati (svečano otvaranje u 13:00 sati)

26. 02. 2019. GODINE/UTORAK

„SVEČANI KONCERT“
KONCERTNA DVORANA OSNOVNE MUZIČKE
ŠKOLE ILIDŽA U 19:00 sati

26. 02. 2019. GODINE/UTORAK

„SVEČANA SJEDNICA POVODOM
1. MARTA DANA NEZAVISNOSTI BIH“
MULTIFUNKCIONALNA SALA OPĆINE ILIDŽA
U 15:00 sati (Butmirska cesta 12)

27. 02. 2019. GODINE/SRIJEDA

„KONCERT PIJANISTA BIH“
KONCERTNA DVORANA OSNOVNE MUZIČKE
ŠKOLE ILIDŽA U 18:00 sati

10. 03. 2019. GODINE/NEDJELJA

„TURNIR U ŠAHU“
MZ HRASNICA 1 u 10:00 sati

12. 03. 2019. GODINE/UTORAK

„SVEČANA SJEDNICA POVODOM
12. MARTA DANA OPĆINE ILIDŽA“
MULTIMEDIJALNI CENTAR ILIDŽA U 15:00 SATI
(Kino Igman)

13. 03. 2019. GODINE/SRIJEDA

„PREDSTAVA JEŽEVA KUĆICA ZA DJECU“
MULTIMEDIJALNI CENTAR ILIDŽA U 13:00 sati
(Kino Igman)

14. 03. 2019. GODINE/ČETVRTAK

PROMOCIJA KNJIGE AUTORA SAMIRA
BOSTANDŽIĆA „ŠAMPION SAM I NIKAD
NE ODUSTAJEM“
MULTIMEDIJALNI CENTAR ILIDŽA U 18:00 sati
(Kino Igman)

15. 03. 2019. GODINE/PETAK

„PREDSTAVA SIROMAŠNI ROMEO“
MULTIMEDIJALNI CENTAR ILIDŽA U 13:00 sati
(Kino Igman)

15. 03. 2019. GODINE /PETAK

VEČER POEZIJE

„ILIDŽO, U SRCU I STIHU TE NOSIM“
MULTIMEDIJALNI CENTAR ILIDŽA U 18:00 sati
(Kino Igman)

16 i 17. 03. 2019. GODINE /SUBOTA I NEDJELJA

„14 OTVORENO PRVENSTVO U KARATEU ZA
DJECU, KADETE I JUNIORE - ILIDŽA 2019“
JUKSIRC ILIDŽA, CJELODNEVNI PROGRAM OD
10:00 sati (svečano otvaranje u 13:00 sati)

23. 03. 2019. GODINE/SUBOTA

„KONCERT FOLKLORA UTIKUS BAŠLIJA“
MULTIMEDIJALNI CENTAR ILIDŽA U 18:00 sati

23. 03. 2019. GODINE/SUBOTA

„TURNIR U BOČANJU“
PIJAČNA 72 DO U 13:00 sati

24. 03. 2019. GODINE /NEDJELJA

„VEČER FOLKLORA“
MULTIMEDIJALNI CENTAR ILIDŽA U 19:30 sati

26-28. 03. 2019. GODINE

„DANI OTVORENIH VRATA SPOMENIČKOG
KOMPLEKSA RATNI TUNEL DB“
Tuneli br.1 (Donji Kotorac), od 9:00-15:30 sati

30. 03. 2019. GODINE/SUBOTA

„DRAMSKA PREDSTAVA“
DOM KULTURE BUTMIR U 19:30 sati

31. 03. 2019. GODINE/NEDJELJA

PROMOCIJA ČASOPISA „ZMAJ“
MULTIMEDIJALNI CENTAR ILIDŽA U 18:00 sati

31. 03. 2019. GODINE/NEDJELJA

„KONCERT KUD-a EKREM MUJKIĆ“
DOM KULTURE BUTMIR U 19:30 sati